



**Broj: 01-65/21**  
**Vareš, 31.03. 2021. godine**

**Z A P I S N I K**  
**sa 2. sjednice Općinskog vijeća Vareš,**  
**održane 25.02. 2021. godine**

Predsjedavajuća OV pozdravila je sve prisutne.

Izvršena je prozivka vijećnika.

**Prisutni vijećnici:** Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

**Odsutni:** Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 2. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik načelnika – gosp. Ermin Musa, rukovodilac JURA-e gosp. Rusmir Berberović, ispred Službe za privredu finansije i trezor – gosp. Stela Terzić i gosp. Dragan Orozović, rukovodilac PJ Elektrodistribucija Vareš – gosp. Emir Hrnjić, komandir PS Vareš – gosp. Edin Karamustafić, predstavnici investitora Triassic Reusources d.o.o. Sarajevo, predsjednici političkih partija i predstavnici medija.

Sekretar OV Leon Pavlović izvijestio je Vijeće da na 1. Konstituirajućoj sjednici nije bilo vijećničkih pitanja i zaključaka.

Općinski načelnik u svom kratkom obraćanju pod aktuelnom pitanjima izvijestio je Vijeće da je aktivna godina posebno sa ulazom zainteresiranih strana za investicije. U vezi pandemije izazvane virusom COVID 19, upoznao je prisutne da se broj zaraženih povećao. Također je izvijestio Vijeće da se zbog finansijskih problema u općinskom proračunu, obaveza prema Poreskoj upravi, mora proći određena procedura, doći u blokadu da bi se mogao potpisati Sporazum o izmirenju dugova prema Poreznoj upravi. Vijećnici koji budu imali pitanja u vezi aktuelne problematike, iste mogu postaviti. Odgovore na pitanja na koja se bude moglo odgovoriti usmeno, vijećnici će dobiti na samoj sjednici, a ostale odgovore dobiti će pismeno.

## *(Vijećnička pitanja)*

### **Asmir Čizmo**

1. Postoji li mogućnost da se izvrši pritisak na firmu koja vrši zimsko održavanje cesta da ista ukloni posipni materijal i izvrši pranje ulice Zvijezda u što kraćem periodu, te da općina Vareš uradi isto za gradske ulice iz okvira svoje nadležnosti?  
(uputio je Inicijativu za postavljanje ograde i adaptaciju dječijeg igrališta u ulici Put mira i adaptacija igrališta ispred OŠ Vareš)

### **Zdenko Franjić**

2. Pitanje će biti upućeno Ministarstvu za prostorno uređenje promet i komunikaciju i zaštitu okoline ZDK. Zašto ni nakon 8 mjeseci ne saniraju oštećenja na regionalnom putu R-444 u tunelu i ispred tunela? Ovo oštećenje je nastalo u junu 2020.godine.
3. Pitanje upućeno istom Ministarstvu. Zašto se dionice makadamskog dijela puta R-444 od Ivančeva do Krivaje odnosno Podkamenska češće ne održava?

### **Maja Berberović**

4. Da li je Općina Vareš podnijela odštetni zahtjev prema osiguravajućoj kući za naknadu štete za porušeni zid u ul. Zvijezda? Pored tog zida potrebno je izvršiti i sanaciju stepeništa koja vodi C-bloku u samom centru grada. Pa me interesuje kada možemo očekivati sanaciju tog stepeništa?

### **Salih Memić**

5. Kada će doći do rekonstrukcije na dionici puta Dabravine-Luke?
6. Da li postoji mogućnost da se izvrši sanacija barem kritičnih dijelova na dionici puta prema MZ Neprivaj?

### **Nurđin Begović**

7. Koliko projekata odnosno projektnih prijedloga je u prošloj godini napisala JURA, na koliko javnih poziva je aplicirano sa projektima i koliko njih je realizovano?

### **Amela Brkić**

8. Na koji način će se riješiti problem javnog prevoza na relaciji Vareš-Zenica obzirom da je ta autobusna linija ukinuta?

9. Kada će se izvršiti sanacija gromobrana na lokaciji Hrid-okretaljka u selu Budoželje?

### **Mirnes Ajanović**

10. Kakva je situacija sa corona-virusom na području općine Vareš, koliko ima novih zaraženih? Naći način da se informiše javnost?
11. Pitanje se odnosi na radnike koji otpušteni za vrijeme corona-virusa, odnosno radnike Šumarije Vareš? Koliko radnika je vraćeno na posao?

### **Emir Islamović**

12. Budući da je Program rada Općinskog vijeća usvojen, a u raspravi o istom niko nije otvorio pitanje nedostataka Izvještaja općinskog pravobranioca, koristim termin Vijećničkih pitanja da zahtijevam odgovore na sljedeća pitanja, a koja obuhvataju jednu temu - informacija o statusu Općinskog pravobranioca:
- Radi li uopće ured Općinskog pravobranioca?
  - Ko zastupa Općinu u postupcima pred sudovima?
  - Ako Ured nema stalno zaposlenog pravobranioca i ukoliko je angažiran zastupnik Općine po Ugovoru, da li se po tom ugovoru naknada za rad zastupnika isplaćuje redovno mjesečno ili po slučaju i kolika je ta naknada?
  - Ko procjenjuje uspješnost takvog zastupnika?
  - U koliko postupaka na sudovima je uključena Općina, bilo kao tužilac ili tuženi i koja je priroda tih postupaka?
  - Ako su već donesene presude po slučajevima pred sudovima, zahtijevam pregled novčanih potraživanja i dugovanja općine u istima, radi obračuna koliko se eventualni iznosi uvećavaju s kamatama za otezanje izvršenja po presudama?

Traži pisani odgovor, radi eventualne potrebe iniciranja posebne tačke za raspravu na sljedećim sjednicama.

Predsjedavajuća OV stavila je na raspravu Zapisnik sa 40. sjednice OV.

Nije bilo primjedbi i predsjedavajuća OV stavila je na izjašnjanje Zapisnik sa 40. sjednice OV i nakon izjašnjanja vijećnika konstatuje da je **jednoglasno sa (18 glasova „ZA“)** (odsutan vijećnik Emir Islamović) **usvojen Zapisnik sa 40. sjednice OV.**

Predsjedavajuća OV stavila je na raspravu Zapisnik sa 3. Vanredne sjednice OV.

Nije bilo primjedbi i predsjedavajuća OV stavila je na izjašnjanje Zapisnik sa 3. Vanredne sjednice OV i nakon izjašnjanja vijećnika konstatuje da je **jednoglasno sa (18 glasova „ZA“)** (odsutan vijećnik Emir Islamović) **usvojen Zapisnik sa 3. Vanredne sjednice OV.**

Predsjedavajuća OV stavila je na raspravu Zapisnik sa 1. Konstituirajuće sjednice OV.

Nije bilo primjedbi i predsjedavajuća OV stavila je na izjašnjanje Zapisnik sa 1. Konstituirajuće sjednice OV i nakon izjašnjanja vijećnika konstatuje da je **jednoglasno sa**

**(18 glasova „ZA“)** (odsutan vijećnik Emir Islamović) **usvojen Zapisnik sa 1. Konstituirajuće sjednice OV.**

Predsjedavajuća OV stavila je na raspravu prijedlog dnevnog reda za 2. sjednicu OV koji je usaglašen na Kolegiju Općinskog vijeća.

Vijećnik Dario Dodik uz dato pojašnjenje predložio je izmjenu redoslijeda tački 14. i 15. dnevnog reda (tačka 15. da se razmatra kao tačka 14.).

Nije više bilo učesnika u raspravi i predsjedavajuća OV stavila je na izjašnjavanje prijedlog dnevnog reda 2. sjednice sa izmjenom i nakon izjašnjavanja vijećnika konstatuje da **je jednoglasno (sa 18 glasova „ZA“)** (odsutan vijećnik Emir Islamović) **usvojen sljedeći**

### *Dnevni red*

1. Informacija o radu Policijske stanice Vareš sa ocjenom stanja bezbjednosti za 2020. godinu.  
Izvjestilac: PS Vareš.
2. Informacija o stanju napajanja električnom energijom na području općine Vareš i mjerama na poboljšanju iste.  
Izvjestilac: Ermin Musa.
3. Nacrt proračuna/budžeta Općine Vareš za 2021. godinu.  
Izvjestilac: Općinski načelnik.
4. Nacrt Odluke o izvršenju proračuna/budžeta Općine Vareš za 2021. godinu.  
Izvjestilac: Općinski načelnik.
5. Prijedlog Programa rada Općinskog načelnika za 2021. godinu.  
Izvjestilac: Općinski načelnik.
6. Prijedlog Odluke o zaštiti izvorišta Crna vrela, općina Vareš.  
Izvjestilac: Ermin Musa.
7. Prijedlog Odluke o izboru stalnih radnih tijela Općinskog vijeća Vareš.  
Izvjestilac: Sekretar OV.
8. Prijedlog Odluke o prosječnoj građevinskoj cijeni 1m<sup>2</sup> korisne stambene površine na području općine Vareš za 2020. godinu.  
Izvjestilac: Ermin Musa.
9. Prijedlog Odluke o prenosu poslova i zadataka JU „Centar za kulturu i edukaciju“ Vareš u vršenju stručnih poslova koji se odnose na zaštitu, obnovu i rekonstrukciju kulturno-historijske prirodne baštine i razvoj turističkih potencijala Općine Vareš.  
Izvjestilac: Rusmir Berberović.
10. Prijedlog Odluke o raspisivanju Javnog oglasa za imenovanje jednog (1) člana Općinske izborne komisije Vareš.  
Izvjestilac: Sekretar OV.

11. Prijedlog Rješenja o imenovanju Konkursne komisije.  
Izvjestilac: Sekretar OV.
12. Prijedlog Rješenja o imenovanju članova Komisije za izbor u regulirane organe.  
Izvjestilac: Sekretar OV.
13. Prijedlog Rješenja o imenovanju Komisije za sprovođenje javnog konkursa za raspolaganje nekretninama u vlasništvu Općine Vareš.
14. Informacija o vodosnabdijevanju i odvozu smeća na području općine Vareš.  
Izvjestilac: Ermin Musa.
15. Prijedlog Zaključka o davanju saglasnosti za dodjelu koncesije za istraživanje ruda obojenih metala na lokalitetu „Saski do“, općina Vareš.  
Izvjestilac: Ermin Musa.
16. Informacija o provedenim aktivnostima u oblasti poljoprivrede na području općine Vareš za 2020. godinu.  
Izvjestilac: Dragan Orozović.
17. Informacija o projektima obnove stambenih jedinica u 2020. godini.  
Izvjestilac: Ermin Musa.
18. Tekuća pitanja.

#### Ad. 1.

*(Informacija o radu Policijske stanice Vareš  
sa ocjenom stanja bezbjednosti za 2020. godinu.)*

Otvorena je rasprava u kojoj su svoje sugestije, prijedloge, mišljenja i pitanja iznijeli vijećnici: Nedžad Mušanović (postavio pitanja u vezi narkotičkih sredstava, postavljanje nadzornih kamera u gradu, problem parkiranja auta ispred garaža iza kafića Coton i Tinta), Nurdin Begović (predložio zaključak: **da Općinsko vijeće traži od Direkcije za ceste ZDK da što je moguće brže izradi saobraćajni elaborat koji će definisati postavljanje saobraćajnih znakova i oblik (visinu, dužinu, širinu) elemenata za smirivanje saobraćaja, te naložiti ugovorenoj firmi za održavanje regionalne ceste postavljanje tzv. „ležećih policajaca“.**), Dario Dodik (postavio pitanja u vezi stavljanja u promet opojnih supstanci, slučaja privođenja Matea Dodik, problem parkiranja i pisanje kazni, parkiranje autobusa sa obje strane puta) i Mirnes Ajanović (postavio pitanja u vezi problema dovoza pasa lualica sa drugih općina i upotrebe vatrenog oružja od strane pojedinih članova lovačkog društva –pucano na pse).

Komandir PS Vareš gosp. Edin Karamustafić u svom obraćanju dao je dodatno pojašnjenje i odgovore na postavljena pitanja vijećnika u raspravi.

U daljnjoj raspravi su učestvovali vijećnici: Mirnes Ajanović, Maja Berberović (uputila pitanje u vezi eventualnog postavljanja nadzornih kamera i korištenja autobusnog stajališta u Vareš Majdanu), komandir PS Vareš Edin Karamustafić (dao odgovore na postavljena pitanja), Asmir Čizmo (predložio je zaključak: **da PS vareš putem inicijativa i prijedloga koje se odnose na ključne stvari i potrebe PS Vareš u vezi omogućavanja što boljeg izvršavanja službenih poslova, upozna Općinskog načelnika i Općinsko vijeće. Na osnovu istih uputiti dopis/upit Kantonalnoj direkciji za ceste ZDK da li je moguće da se i takva potraživanja prema PS Vareš omoguće. Ukoliko takav vid nije moguć ili nam ne**

*izađu u susret, da se razmotri mogućnost da putem projekata ili putem uvrštavanja u stavku budžeta Općine, da bi pomogli PS Vareš a sve u svrhu zaštite zdravlja, života i imovine naših građana.)* i predsjedavajuća OV Mahira Brkić koja je apelirala na građane da u slučaju sumnje ili saznanja za određene prekršaje pismenim putem prijave PS Vareš.

Zaključena je rasprava i predsjedavajuća OV konstatuje **uz Zaključak da je Vijeće primilo k znanju**

***Informaciju o radu Policijske stanice Vareš  
sa ocjenom stanja bezbjednosti za 2020. godinu***

Predsjedavajuća OV stavila je na izjašnjavanje prijedlog zaključka vijećnika Begović Nurdina.

**Zaključak:**

- **Da Općinsko vijeće, kao najviše tijelo Općine Vareš, traži od Direkcije za ceste ZDK da izradi saobraćajni elaborat koji će definisati postavljanje saobraćajnih znakova i oblik (visinu, dužinu, širinu) elemenata za smirivanje saobraćaja te da naloži ugovorenoj firmi za održavanje regionalne ceste postavljanje tzv. ležećih policajaca.**

Nakon izjašnjavanja vijećnika predsjedavajuća OV konstatuje da je jednoglasno (sa 19 glasova „ZA“) usvojen predloženi Zaključak.

Predsjedavajuća OV stavila je na izjašnjavanje prijedlog zaključka vijećnika Čizmo Asmira.

**Zaključak:**

- **Da PS Vareš putem inicijativa i prijedloga koje se odnosi na ključne stvari i potrebe PS Vareš u vezi omogućavanja što boljeg izvršavanja službenih poslova upozna Općinskog načelnika i Općinsko vijeće. Na osnovu istih da se uputi dopis/upit Kantonalnoj direkciji za ceste ZDK da li je moguće da se i takva potraživanja prema PS Vareš omoguće. Ukoliko takav vid nije moguć ili nam ne izađu u susret, da se razmotri mogućnost da putem projekata ili putem uvrštavanja u stavku budžeta Općine, da bi pomogli PS Vareš a sve u svrhu zaštite zdravlja, života i imovine naših građana.**

Nakon izjašnjavanja vijećnika predsjedavajuća OV konstatuje da je jednoglasno (sa 19 glasova „ZA“) usvojen predloženi Zaključak.

**Ad. 2.**

*(Informacija o stanju napajanja električnom energijom  
na području općine Vareš i mjerama na poboljšanje iste.)*

Ovlašteni predlagatelj nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje primjedbe, prijedloge, mišljenja i pitanja iznijeli vijećnici: Nazif Hajrić (postavio pitanja u vezi prolongiranja investicionih ulaganja i

angažovanja radnika iz drugih radnih jedinica), Zdenko Franjić (postavio pitanje u vezi problema VNM (trase neuslovne) i mogućnosti rješavanja istog), Nikola Šimić (problem iznenadnih i učestalih nestanaka el. energije-kvarovi na aparatima, očitavanje brojila u ruralnim dijelovima općine i sl), Nedžad Mušanović (postavio pitanje u vezi stanja napajanja el. energijom u Ljepovićima), Amela Brkić (postavila pitanje da li postoji mogućnost da se nadoknade štete u domaćinstvima uslijed nestanka el. energije), Nurdin Begović (ulica Pruga-nedostaju sijalice na javnoj rasvjeti) i Emir Islamović (kolike su nastale štete uslijed nestanka el. energije).

Predstavnik PJ Elektrodistribucije Vareš gosp. Emir Hrnjić u svom obraćanju dao je dodatna pojašnjenja i odgovore na postavljena pitanja vijećnika.

U daljnjoj raspravi su učestvovala predsjedavajuća OV Mahira Brkić koja je informisala prisutne i javnost o načinu ostvarivanja svojih prava u vezi nadoknade štete uslijed kvarova na el. aparatima zbog nestanka el. energije i vijećnica Amela Brkić (replika izvjestiocu).

Predsjedavajuća OV, ispred Općinskog vijeća, uputila je sugestiju da PJ Elektrodistribucija Vareš u svom daljnjem radu uvaži sve sugestije koje su danas iznesene u raspravi kao i mišljenja i određene prijedloge vijećnika.

Zaključena je rasprava i predsjedavajuća OV **uz Zaključak konstatuje da je Vijeće primilo k znanju**

***Informaciju o stanju napajanja električnom energijom na području općine Vareš i mjerama na poboljšanju iste.***

### **Ad.3.**

*(Nacrt proračuna/budžeta Općine Vareš za 2021. godinu.)*

Općinski načelnik Zdravko Marošević dao je dodatno pojašnjenje za ovu tačku dnevnog reda. U svom obraćanju pozvao je sve vijećnike i Klubove da upute svoje prijedloge i zaključke za poboljšanje izrade budžeta Općine Vareš.

Predsjedavajuća OV podsjetila je prisutne na pravo amandmanskog djelovanja na Nacrt budžeta Općine Vareš i zakonsku proceduru prilikom izrade i donošenja budžeta.

Otvorena je rasprava u kojoj su svoje sugestije, prijedloge, primjedbe, pitanja i mišljenja iznijeli vijećnici: Malik Rizvanović, Emir Islamović (ispred Kluba SDA predlaže predlagачu da povuče Nacrt budžeta, pripremi sve tražene informacije i pregled svih finansijskih podataka. Isti dostavi članovima Komisije za privredu, finansije i budžet, te da se pripremi plan sanacije budžeta Općine Vareš.), Mario Mirčić, Dario Dodik, Općinski načelnik Zdravko Marošević, Dario Dodik (replika Načelniku), Maja Berberović, predsjedavajuća OV Mahira Brkić i Emir Islamović (replika).

Zaključena je rasprava i predsjedavajuća OV stavila je na izjašnjavanje sljedeći

### **Zaključak:**

- 1. Prihvata se Nacrt proračuna/budžeta Općine Vareš za 2021. godinu.**
- 2. Nacrt proračuna/ budžeta Općine Vareš za 2021. godinu iz tačke 1. ovog Zaključka upućuje se na javnu raspravu u trajanju od 15 dana.**

- 3. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
- 4. Sastavni dio prijedloga bit će i Izvještaj o provedenoj raspravi.**
- 5. Ovaj zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je sa **10 glasova „ZA“, 7 glasova „PROTIV“ i 2 „SUZDRŽANA“ glasa usvojen predloženi Zaključak.**

#### **Ad.4.**

*(Nacrt Odluke o izvršenju proračuna/budžeta Općine Vareš za 2021. godine.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, mišljenja i pitanja iznijeli vijećnici: Sahudina Beganović (ispred Kluba SDA predlaže predlagaču da povuče nacrt Odluke. Kad komisija za budžet donese svoje mišljenje o cjelokupnom stanju finansija u Općini Vareš, sačini Izvještaj i budžet uključujući i Program sanacije budžeta, onda ćemo se izjasniti i o odluci i o izvršenju.), Općinski načelnik Zdravko Marošević, Sahudina Beganović (replika), Mirnes Ajanović i predsjedavajuća OV koja je informisala Vijeće (na osnovu traženja vijećnice Sahudine Beganović da se OV dostavi informacija o sredstvima koja su uplaćena udruženjima i nevladinim organizacijama), da to nije tema ove tačke dnevnog reda i da pitanja vijećnici mogu postaviti pod tačkom tekuća pitanja, a da je po Programu rada OV u martu mjesecu planirano razmatranje Informacije o ostvarenoj saradnji i realizovanim projektima NVO sektora i tada vijećnici mogu postavljati pitanja koja se odnose na tu tematiku.

Zaključena je rasprava i predsjedavajuća OV stavila je na izjašnjavanje sljedeći

#### **Zaključak:**

- 1. Prihvata se Nacrt Odluke u izvršenju proračuna/ budžeta Općine Vareš za 2021. godinu.**
- 2. Nacrt Odluke o izvršenju proračuna/ budžeta Općine Vareš za 2021. godinu iz tačke 1. ovog Zaključka upućuje se na javnu raspravu u trajanju od 15 dana.**
- 3. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
- 4. Sastavni dio Prijedloga bit će i Izvještaj o provedenoj raspravi.**



## **5. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je sa **12 glasova „ZA“ i 7 glasova „PROTIV“ usvojen predloženi Zaključak.**

### **Ad.5.**

*(Prijedlog Programa rada Općinskog načelnika za 2021. godinu.)*

Općinski načelnik Zdravko Marošević dao je dodatno pojašnjenje za ovu tačku dnevnog reda.

Otvorena je rasprava u kojoj su svoje sugestije i mišljenja iznijeli vijećnici: Dario Dodik, Općinski načelnik Zdravko Marošević, predsjedavajuća OV Mahira Brkić skrenula je pažnju da se svi učesnici u raspravi drže dnevnog reda, Igor Hinger (predložio je da nadležne službe usaglase određene iznose navedene u Nacrtu budžeta i Programu rada ON-ekologija, Pučka kuhinja, da udruženja dostave plan rada, da Služba za opću upravu pokrene inicijativu za formiranje Vijeća mladih), predsjedavajuća OV Mahira Brkić (uz dato pojašnjenje sugerisala je vijećniku Hinger Igoru i svim ostalim vijećnicima, da tematiku o kojoj je izlagao može na sljedećoj sjednici OV uputiti Vijeću u formi vijećničkih pitanja ili inicijativa) i Edib Zubača (ispred Kluba SDA predložio da se ovaj dokument povuče i da se svi strateški dokumenti do saniranja finansijske situacije stave u stanje mirovanja, jer iako su izrađeni i usvojeni nije ih moguće realizovati zbog nedostatka novca)

Zaključena je rasprava i predsjedavajuća OV stavila je na izjašnjavanje sljedeći  
**Zaključak:**

**Prihvata se Program rada Općinskog načelnika za 2021. godinu, broj: 02-197/21 od 10.02.2021. godine koji čini sastavni dio ovog Zaključka.**

## **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je sa **12 glasova „ZA“ i 7 glasova „PROTIV“ usvojen predloženi Zaključak.**

### **Ad.6.**

*(Prijedlog Odluke o zaštiti izvorišta Crna vrela, općina Vareš.)*

Ispred predlagача Ermin Musa pomoćnik načelnika dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Emir Islamović i pomoćnik načelnika Ermin Musa koji je dao odgovor na postavljeno pitanje vijećnika u raspravi koje se odnosi na ostala izvorišta koje koristi JKP d.o.o. Vareš i na izvorišta kojima ne upravlja isto preduzeće.

Zaključena je rasprava i predsjedavajuća OV stavila je na izjašnjavanje Prijedlog Odluke o zaštiti izvorišta Crna vrela, općina Vareš.

Nakon izjašnjavanja vijećnika predsjedavajuća OV konstatuje da je **jednoglasno (sa 18 glasova „ZA“)** (odsutan vijećnik Edib Zubača) **usvojena**

***Odluka o zaštiti izvorišta Crna vrela, općina Vareš.***

**Ad.7.**

*(Prijedlog Odluke o izboru stalnih radnih tijela Općinskog vijeća Vareš.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojena

***Odluka o izboru stalnih radnih tijela Općinskog vijeća Vareš.***

**Ad.8.**

*(Prijedlog Odluke o prosječnoj građevinskoj cijeni 1 m<sup>2</sup> korisne stambene površine na području općine Vareš za 2020. godinu.)*

Ispred ovlaštenog predlagača pomoćnik načelnika Ermin Musa dao je dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Odluke o prosječnoj građevinskoj cijeni 1 m<sup>2</sup> korisne stambene površine na području općine Vareš za 2020. godinu.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojena

***Odluka o prosječnoj građevinskoj cijeni 1 m<sup>2</sup> korisne stambene površine na području općine Vareš za 2020. godinu.***

**Ad.9.**

*(Prijedlog Odluke o prenosu poslova i zadataka  
JU „Centar za kulturu i edukaciju“ Vareš  
u vršenju stručnih poslova koji se odnose na zaštitu,  
obnovu i rekonstrukciju kulturno-historijske prirodne  
baštine i razvoj turističkih potencijala Općine Vareš.)*

Ispred ovlaštenog predlagača Rusmir Berberović rukovodilac JURA dao je dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, sugestije, mišljenja i pitanja iznijeli vijećnici: Nurdin Begović (uz dato pojašnjenje predložio da se donese jedna posebna odluka za Kraljevski grad Bobovac a druga za ostale kulturno-historijske prirodne baštine), Sahudina Beganović (uz dato pojašnjenje predložila je ispred Kluba SDA da se ovaj dokument povuče i

da nadležna služba pripremi posebnu odluku vezanu za Bobovac uz obavezni program upravljanja koji će uraditi JU Centar za kulturu i edukaciju sa finansijskom konstrukcijom i drugu odluku vezanu za svu drugu kulturno-historijsku prirodnu baštinu i turističke potencijale, odluke dostaviti Vijeću na razmatranje kad prođu Komisiju za statutarna pitanja i propise), Dario Dodik (pitanje: da li će ovom odlukom biti novih zapošljavanja?), predsjedavajuća OV Mahira i Rusmir Berberović koji je iznio svoje mišljenje u vezi iznesenih prijedloga i dao odgovor na postavljeno pitanje.

Predsjedavajuća OV predložila je i stavila na izjašnjavanje sljedeći

#### **Zaključak:**

**U skladu sa članom 119. Poslovnika o radu OV Vareš (Novi prečišćeni tekst), Prijedlog Odluke o prijenosu poslova i zadataka JU „Centar za kulturu i edukaciju“ Vareš u vršenju stručnih poslova koji se odnose na zaštitu, obnovu i rekonstrukciju kulturno-historijske prirodne baštine i razvoj turističkih potencijala Općine Vareš, vraća se na doradu ovlaštenom predlagачu sa uputom da uzme u razmatranje stavove vijećnika Begović Nurdina i vijećnice Beganović Sahudine koje su iznijeli u raspravi i da imamo decidan odgovor na pitanje koje je postavio vijećnik Dodik Dario.**

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojen predloženi Zaključak.

#### **Ad.10.**

*(Prijedlog Odluke o raspisivanju Javnog oglasa za imenovanje jednog (1) člana Općinske izborne komisije Vareš.)*

Sekretar OV Leon Pavlović dao je pojašnjenje za ovu tačku dnevnog reda.

Nije bilo učesnika u raspravi i predsjedavajuća OV stavila je na izjašnjavanje Prijedlog Odluke o raspisivanju Javnog oglasa za imenovanje jednog (1) člana Općinske izborne komisije.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojena

*Odluke o raspisivanju Javnog oglasa za imenovanje jednog (1) člana Općinske izborne komisije Vareš.*

#### **Ad.11.**

*(Prijedlog Rješenja o imenovanju Konkursne komisije.)*

Sekretar OV Leon Pavlović dao je pojašnjenje za ovu tačku dnevnog reda.

Nije bilo učesnika u raspravi i predsjedavajuća OV stavila je na izjašnjavanje Prijedlog Rješenja o imenovanju Konkursne komisije.

Nakon izjašnjavanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojeno

*Rješenje o imenovanju Konkursne komisije.*

#### **Ad.12.**

*(Prijedlog Rješenja o imenovanju članova  
Komisije za izbor u regulirane organe.)*

Sekretar OV Leon Pavlović dao je pojašnjenje za ovu tačku dnevnog reda.

Nije bilo učesnika u raspravi i predsjedavajuća OV stavila je na izjašnjanje Prijedlog Rješenja o imenovanju članova Komisije za izbor u regulirane organe.

Nakon izjašnjanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojeno

***Rješenje o imenovanju članova Komisije za izbor u regulirane organe.***

#### **Ad.13.**

*(Prijedlog Rješenja o imenovanju Komisije za sprovođenje  
javnog konkursa za raspolaganje nekretninama u vlasništvu Općine Vareš.)*

Ispred predlagača pomoćnik načelnika Ermin Musa dao je dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjanje Prijedlog Rješenja o imenovanju Komisije za sprovođenje javnog konkursa za raspolaganje nekretninama u vlasništvu Općine Vareš.

Nakon izjašnjanja vijećnika predsjedavajuća OV konstatuje da je **jednoglasno (sa 19 glasova „ZA“)** usvojeno

***Rješenje o imenovanju Komisije za sprovođenje javnog konkursa  
za raspolaganje nekretninama u vlasništvu Općine Vareš.***

Predsjedavajuća OV dala je pauzu u trajanju od 10 minuta.

Nastavljeno je sa radom sjednice.

#### **Ad.14.**

*(Informacija o vodosnabdijevanju i odvozu smeća na području općine Vareš.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, primjedbe, mišljenja i pitanja iznijeli vijećnici: Dario Dodik (uz dato pojašnjenje predložio kao inicijativu da se zaduži Služba za prostorno uređenje da ispita mogućnost korištenja vodotoka Šaški potok i Rakovica koji su 2 km od grada i da se sredstva od prodaje SRC „Doli“ preusmjere u ovu namjeru i da se ide u izgradnju vodotoka koji će biti slobodnim padom), Nedžad Mušanović, Maja Berberović, Emir Islamović, Mario Mirčić, pomoćnik načelnika Ermin Musa (predložio je vijećnicima da određena pitanja na koja on ne može odgovoriti, a koja su postavili u raspravi, prilikom razmatranja Izvještaja o radu JKP d.o.o. Vareš koji će se razmatrati na jednoj od narednih sjednica, upute direktoru preduzeća) i predsjedavajuća OV Mahira Brkić.

Predsjedavajuća OV je na osnovu diskusija vijećnika predložila i stavila na izjašnjanje sljedeći

### **Zaključak:**

**Da nadležne Službe u roku od 15 dana pošalju svim javnim preduzećima i javnim ustanovama urnek informacije, kako će se ubuduće dostavljati Informacije Općinskom vijeću tako da iste budu jednoobrazne.**

Nakon izjašnjavanja vijećnika predsjedavajuća OV konstatuje da je Vijeće **jednoglasno (sa 19 glasova“ZA“)** usvojilo predloženi Zaključak i primilo k znaju

***Informaciju o vodosnabdijevanju i odvozu smeća na području općine Vareš.***

### **Ad.15.**

*(Prijedlog Zaključka o davanju saglasnosti za dodjelu koncesije za istraživanje ruda obojenih metala na lokalitetu „Saski do“, općina Vareš.)*

Ermin Musa pomoćnik načelnika dao je dodatno pojašnjenje za ovu tačku dnevnog reda u kome je Vijeće izvijestio da je Ministarstvo za privredu Ze-do kantona uputilo dopis Općinskom vijeću i Općinskom načelniku u kojem se traži suglasnost za dodjelu koncesije za istraživanje ruda obojenih metala na lokalitetu „Saski do“, općina Vareš na osnovu samoinicijativnog zahtjeva od privrednog društva Triassic Reusorces d.o.o. Sarajevo. Upoznao je prisutne sa ispravkom na strani 2 u prijedlogu Zaključka (na predmetnoj lokaciji postoje lokalni vodovodni objekti).

Predstavnici investitora u svom izlaganju i prezentiranju, detaljnije su obrazložili i predstavili projekat detaljnih geoloških istraživanja obojenih metala na lokalitetu „Saski do“, općina Vareš.

Otvorena je rasprava u kojoj su svoje prijedloge, mišljenja i pitanja iznijeli vijećnici: predsjedavajuća OV Mahira Brkić (uz dato pojašnjenje predložila je da Vijeće donese zaključak da se održi tematska sjednica na koju će se pozvati relevantna lica koja će pružiti određene odgovore i informacije), Općinski načelnik Zdravko Marošević, predsjedavajuća OV (replika), Općinski načelnik Zdravko Marošević (replika), Dario Dodik, Emir Islamović, Dario Dodik (replika), Emir Islamović (replika), Malik Rizvanović, Općinski načelnik Zdravko Marošević, Mirnes Ajanović, pomoćnik načelnika Ermin Musa, predsjedavajuća OV Mahira Brkić (replika-skrenula je pažnju na dio obraćanja pomoćnika načelnika upućenog predsjedavajućoj OV i izjavila da će u slučaju da se bilo tko na takav način obrati bilo kojem vijećniku, u skladu sa Poslovnikom o radu OV prekinuti sjednicu), predstavnik investitora (dao dodatna pojašnjenja i odgovore na pitanja postavljena u raspravi) i Dario Dodik (replika-izjavio da podržava prijedlog predsjedavajuće i predložio isto, da se odgodi izjašnjavanje po ovoj tački dnevnog reda dok Vijeće ne dobije sve tražene informacije).

Zaključena je rasprava i predsjedavajuća OV stavila je na izjašnjavanje Prijedlog Zaključka o davanju saglasnosti za dodjelu koncesije za istraživanje ruda obojenih metala na lokalitetu „Saski do“, općina Vareš.

Nakon izjašnjavanja vijećnika predsjedavajuća OV konstatuje da je sa **12 glasova „ZA“ i 7 „SUZDRŽANIH“ glasova usvojen**

***Zaključak o davanju saglasnosti za dodjelu koncesije za istraživanje ruda obojenih metala na lokalitetu „Saski do“, općina Vareš.***

#### **Ad.16.**

*(Informacija o provedenim aktivnostima u oblasti poljoprivrede na području općine Vareš za 2020. godinu.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici i uputili određena pitanja i primjedbe ovlaštenom predlagaču: Memić Salih (mišljenja je da nedostaju određeni podaci za poticaj za jesenju i proljetnu sjetvu) i Nurdin Begović (uz dato pojašnjenje izjavio da je izvještaj površan, nepotpun, nema konkretnih podataka).

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

*Informaciju o provedenim aktivnostima u oblasti poljoprivrede na području općine Vareš za 2020. godinu.*

#### **Ad.17.**

*(Informacija o projektima obnove stambenih jedinica u 2020. godini.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz **Zaključak da je Vijeće primilo k znanju**

*Informaciju o projektima obnove stambenih jedinica u 2020. godini.*

#### **Ad.18.**

*(Tekuća pitanja.)*

Predsjedavajuća OV upoznala je prisutne sa pristiglom poštom:

1. Zahtjev za izuzeće/oslobađanje notara od plaćanja komunalne takse na istaknutu firmu, broj: 2-43-14/21 od 27.01.2021. godine dostavljen od Notarske komore FBiH.
2. Dopis/zahtjev za iniciranje izmjene Odluke o općinskim komunalnim taksama, broj: 05-NM-22-64/21 od 09.02.2021. godine, dostavljen od Lutrije BiH d.o.o..
3. Molba za smanjenje iznosa komunalne takse na istaknutu firmu, broj: EA/05/10/20 od 27.10.2020. godine, dostavljena od „iNovine“ BiH d.o.o. Podružnica Sarajevo.

Predsjedavajuća OV upoznala je Vijeće sa Izjašnjavanjem Službe za privredu finansije i trezor vezano gore navedene dopise, broj: 02-284/21 od 24.02.2021. godine i uz dato pojašnjenje konstatovala da Vijeće prihvata i prima k znanju dostavljeno Izjašnjavanje.

Vijećnik Dario Dodik sugerisao je da nadležna služba prilikom analiziranja i eventualne izmjene odluke, uzme u obzir određene presude Ustavnog suda BiH kad je ova materija u pitanju.

4. Obavještenje JP ŠPD ZDK d.o.o. Zavidovići, broj: 03-227-1/21 od 26.01.2021. godine na osnovu Zaključka OV broj: 01-17/21 od 14.01.2021. godine koji se odnosi na opomenu pred tužbu za sva zaostala potraživanja na ime naknade za šume Općine Vareš.

Predsjedavajuća OV izvijestila je prisutne o održanom sastanku sa Upravom JP ŠPD ZDK d.o.o. Zavidovići na kome su ispred Općine Vareš prisustvovali predsjedavajuća OV Mahira Brkić i Općinski načelnik Zdravko Marošević.

5. Zahtjev za sufinansiranje troškova asfaltiranja puta u zaseocima Bunar i Ganići, broj: 01-23/21 od 17.01.2021. godine, dostavljen od MZ Kokošćići.

Predsjedavajuća OV upoznala je Vijeće sa Odgovorom na Zahtjev, broj: 02-262/21 od 23.02.2021. godine, dostavljen od Službe za prostorno uređenje i obnovu. Isti odgovor upućen je i MZ Kokošćići.

6. Inicijativa o uvođenju zabrane parkiranja m/v duž ulice Put mira u vremenu od 7,00 h-17,00 h (tokom dana) od ponedjeljka do petka, dostavljena od vijećnika Ibrišimović Šabana 26.01.2021. godine.

Predsjedavajuća OV konstatuje da se Inicijativa upućuje u daljnju proceduru. Da Služba za prostorno uređenje prilikom izrade prijedloga Odluke o utvrđivanju površina za parkiranje motornih vozila uzme u obzir i ovu Inicijativu kao i mnoge odluke koje se trebaju preraditi a tiču se određenih parkirališta.

7. Inicijativa u vezi korištenja besplatne pravne pomoći građana općine Vareš, dostavljena od vijećnice Brkić Amele.

U raspravi su učestvovali vijećnica Amela Brkić koja je dala dodatno pojašnjenje za podnesenu Inicijativu i sekretar OV.

Predsjedavajuća OV traži od Službe za opću upravu, društvene djelatnosti i BIZ-u da se očituje po ovoj Inicijativi.

8. Otvoreno pismo tri organizacije za mlade u BiH od 12.02.2021. godine, dostavljeno od vijećnice Berberović Maje. Isto je dostavljeno svim vijećnicima a dostavit će se i Komisiji za pitanje mladih.  
Predsjedavajuća OV konstatuje da je Vijeće primilo k znanju Otvoreno pismo.

9. Inicijativa za stavljanje van snage Odluke Općinskog vijeća Vareš donesenoj u prethodnom sazivu kojom je povećan vijećnički paušal sa 200,00 na 240,00 KM od 16.02.2021. godine, dostavljena od Kluba vijećnika SDP.

Predsjedavajuća OV upoznala je Vijeće da je Inicijativa proslijeđena Općinskom načelniku da se o istoj očituje u skladu sa Poslovníkom o radu OV.

10. Vijećnik Igor Hinger traži da se ubuduće prilikom razmatranja Informacije o stanju napajanja električnom energijom, u istu unesu podaci od Internet operatera od kojih

će se tražiti informacija koji su njihovi planovi investicije i podaci o pokrivenosti općine Vareš internet mrežom.

Predsjedavajuća OV konstatuje da će Stručna služba uputiti dopis Internet operaterima u kojem će tražiti informacije koje je vijećnik predložio.

**11.** Vijećnica Sahudina Beganović pozvala je sve prisutne da u ponedjeljak 1. marta u 11,00 h ispred OŠ „Vareš“ prisustvuju organizovanom obilježavanju Dana nezavisnosti BiH uz poštivanje svih epidemioloških mjera.

**12.** Vijećnik Dario Dodik uz dato pojašnjenje predložio je inicijativu da se na web stranici Općine Vareš izradi portal na kome će građani općine Vareš moći dostavljati svoje žalbe, pritužbe, pitanja i sl.

Predsjedavajuća OV u ime Općinskog vijeća i u svoje lično ime čestitala je svim građanima općine Vareš 1.mart-Dan nezavisnosti BiH.

Sastavni dio ovog Zapisnika je audio zapis sjednice.

Sjednica je završena u 20,55 sati.

***S E K R E T A R***

**Leon Pavlović**

***ZAPISNIČAR***

**Azra Pijadžer**

***PREDSJEDAVALA  
OPĆINSKOG VIJEĆA***

**Mahira Brkić**